

p. 2 L. -7【起信云】《大乘起信論》卷 1：「所言覺義者，謂心體離念。離念相者，等虛空界，無所不遍，法界一相即是如來平等法身，依此法身說名本覺。」(T32, p. 576, b11-14)法藏《大乘起信論義記》卷 2：「虛空有二義。以況於本覺：一周遍義。謂橫遍三際。豎通凡聖。故云無所不遍也。二無差別義。謂在纏、出障。性恒無二故。云法界一相也。欲明覺義出纏相顯。故云即是如來平等法身。既是法身之覺。理非新成。故云依此法身說名本覺。」(T44, p. 256, b21-27)知禮《觀無量壽佛經疏妙宗鈔》卷 1：「所謂眾生性德之佛。非自非他。非因非果。即是圓常大覺之體。故起信論云：所言覺義者。謂心體離念。離念相者。等虛空界無所不遍。法界一相即是如來常住法身。依此法身說名本覺。故知果佛圓明之體。是我凡夫本具性德故。一切教所談行法。無不為顯此之覺體。故四三昧通名念佛。但其觀法為門不同。」(T37, p. 195, a25-b3)

p. 2 L. -6【圭山云】《圓覺經大疏》〈序〉(X09, p. 324, a)《圓覺經大疏釋義鈔》卷 1：「因由所悟心不生不滅。名為本覺。全是諸佛之心。以此為本脩行。決定成佛。」(X09, p. 478, c15-16)

p. 2 L. -3【水清珠】《阿彌陀經疏鈔演義》卷 3：「信力成就者。事一心人。不修理觀。唯憑信力。如水清珠。能清濁水。古云。清珠投於濁水。濁水不得不清。佛念投於散心。散心不得不一。」(X22, p. 771, c15-17)《阿彌陀經要解便蒙鈔》卷 1：「【解】唯持名一法。收機最廣。下手最易。故釋迦慈尊。無問自說。特向大智舍利弗拈出。可謂方便中第一方便(行經)。了義中無上了義(教經)。圓頓中最極圓頓(理經)。故云清珠投於濁水。濁水不得不清。佛號投於亂心。亂心不得不佛也(古人圓極語)。**【鈔】**執持名號。有三種妙：收機廣。下手易。乃事妙。第一方便等三句。乃理妙。又能圓收諸行。乃至三觀十乘。七科道品。無量法門。乃為圓妙。具此三妙。獨為勝妙也。第一方便者。以念念即佛故。不落三乘諸行。無上了義者。以念念即佛故。了義。謂顯了第一義諦。佛。即無上第一義諦。最極圓頓者。以念念即佛故。不落漸次。清珠者。水清珠也。此珠有清水之功。故喻佛號有成佛之功也。」(X22, p. 831, a7-19)

p. 3 L. 5【菩薩了知】《大方廣如來不思議境界經》卷 1：「諸佛及一切法，真實平等，皆同一相，如陽焰等。一切眾生、諸佛及土，皆唯自心識想所現。識想為緣，所生諸色，畢竟非有。如來已離一切識想，是故不應以色像見。知所見像，隨想生故，乃至虛空毛端量處一切真佛，皆亦如是，猶如虛空，平等無異。若我分別即見於佛，若離分別即無所見，自心作佛，離心無佛，乃至三世一切諸佛，亦復如是，皆無所有，唯依自心。菩薩若能了知諸佛及一切法，皆唯心量，得隨順忍，或入初地，捨身速生妙喜世界，或生極樂淨佛土中，常見如來，親承供養。」(T10, p. 911, c13-24) (T47, p. 259, c8-12)

p. 3 L. 6【梵網云】《梵網經》卷 2：「若佛子！護持禁戒，行住坐臥，日夜六時讀誦是戒。猶如金剛，如帶持浮囊欲度大海，…自知我是未成之佛，諸佛是已成之佛。發菩提心，念念不去心。若起一念二乘外道心者，犯輕垢罪。」(T24, p. 1007, b21-26)

p. 3 L. 15【大本云】《無量壽經會集本》〈非是小乘第四十三〉：「汝天人世間、阿修羅等，應當愛樂修習，生希有心。於此經中生導師想。欲令無量眾生，速疾安住得不退轉，及欲見彼廣大莊嚴、攝受殊勝佛剎，圓滿功德者，當起精進，聽此法門。」

p. 3 L. 16【十地始終不離念佛】《阿彌陀經疏鈔》卷 1：「十地始終者。十地文中。從初至末。地地皆云一切所作不離念佛。又云。遠行地菩薩。雖知一切國土猶如虛空。而能以清淨妙行莊嚴佛土。」(X22, p. 610, c20-23)

p. 3 L. 18【偈云】《大方廣佛華嚴經》卷 43〈33 離世間品〉：「菩薩清涼月，遊於畢竟空。垂光照三界，心法無不現。」(T09, p. 670, c21-23)清涼大師《華嚴經行願品疏》〈序〉：「星羅法身。影落心水。」(X05, p. 48, b24-c1)宗密《華嚴經行願品疏鈔》卷 1：「由前理智冥合故。得一切諸法無非法身。十方世界眾生有發菩提心。心識淨者。無不應現而為說法。如秋天空朗。羅列星辰。萬器百川不分而遍晴空。列宿以喻法身。淨水澄川以喻機感。法喻對合。理亦昭然。故大經云：菩薩清涼月。遊於畢竟空。眾生心水淨。菩提影現中。」

(X05, p. 229, a12-18)

p. 3 L. -6【不退菩提因行、果德】因若不退，名為真因。果若不退，名為真果。

因：信願佛土、攝根淨念—都攝六根、淨念相繼。(不退菩提因行)

憶念彼佛—憶佛念佛。

念見近佛—去佛不遠、不假方便。

念心入忍—因地以念佛心、入無生忍。

果：得三摩地、第一圓通—得三摩地、斯為第一圓通。(不退菩提果德)

現當見佛—現前當來、必定見佛。

心開香嚴—自得心開、香光莊嚴。

攝人歸土—今於此界、攝念佛人、歸於淨土。

p. 3 L. -6【能念大勢佛】《疏鈔》：「約上求、中修、下度，三義以釋。大勢佛者，指彌陀言。十方三世佛中，彌陀為第一故。能念，非如眾生不求大勢佛及斷苦法故。能攝，非如眾生六根攀緣六塵故。能接，非如眾生自利，不耐他榮故。有此三大德，威勢之至也。菩薩名實相稱，眾生無勢可知。」

【法王子】王以自在為義故。於一切法中得自在故，名為法王。從法化生，稱之為子。《注維摩詰經》卷1〈1 佛國品〉：「來補佛處。故言法王子也。」

【同倫】同類、同輩。《疏鈔》：「聲氣相應，名為同類。易曰：同聲相應，同氣相求，故曰聲氣相應。」比喻志趣相同或氣質相類者，互相吸引、聚合。

p. 4 L. 1~7【十信至妙覺】（圓教）十信：信常住真心，信心作佛、心是佛；相似即。十住：住圓通境，三觀任運現前；分證即。十行：自利、利他之十波羅蜜彰顯。十向：心心念念皆與三種迴向相應不二。十地：心地覺通如來，盡佛境界。等覺：位鄰佛果，覺與佛同。妙覺：覺行圓滿的究竟佛果；究竟即。

p. 4 L. 10【性光發明】佛光有二：一智光，二身光。又二義：一常光。二放光。又有二因：一是功德莊嚴。二是本願成就。「無量性光自然發明」：念佛者，繫念念佛，不得一彈指間，念世間五欲，果能如此一無間雜，無量自性佛光終得發明，超於日月光明；則能轉生死而成聖位，轉妄想而成佛德。～《疏鈔》

p. 4 L. 11【念佛有四】《疏鈔》：「觀像通二：一、觀現在相好光明之佛。如法華云：起立合掌，一心觀佛。二、觀綵畫雕塑鑄造之佛。如優填王以栴檀作佛像是也。」「初、二。事法界觀，心即佛故。後一。理法界觀，佛即心故。第三。事理無礙法界觀，是佛是心故。」「初二下。約觀料揀也。若依六根。稱名，攝耳舌。觀像，攝眼身。觀想，攝鼻意。實相，攝六根。則一念佛三昧，六根無不攝也。」

p. 4 L. 16【清涼五種】《華嚴經疏》卷 56〈39 入法界品〉(T35, p. 924, b)

1. 緣想境界念佛門：即前之初、二，小乘教。
2. 攝境唯心念佛門：即前之四，始教。
3. 心境無礙念佛門：即前之三，終教。
4. 心境俱泯念佛門：前所無，頓教。
5. 重重無盡念佛門：圓教。

《疏鈔》：「持名，亦通圓頓，不唯局小，亦開五門：

- 一、持念佛名門：心外有佛名故，小教、事法界觀也。
- 二、攝名歸心門：佛名唯心現故，始教、理法界觀也。
- 三、心名雙融門：即心即佛故，終教。
- 四、心名俱絕門：非心非佛故，頓教、理事無礙法界觀也。
- 五、圓通無盡門：一念心、一佛名，遍含法界，無有盡故，圓教、事事無礙法界觀也。